



INTERVJU Perica Stanić, direktor **SIPA-e**, za „Avaz“

Moramo bolje provjeravati koga primamo u policiju

Za kratko vrijeme uradili smo mnogo • Ima prostora za napredak u saradnji s Tužilaštvom BiH • Bačena je ljaga na ugled svih časnih policajaca

Razgovara:
Miralem AŠČIĆ

Perica Stanić, direktor Državne agencije za istrage i zaštitu (**SIPA**), rekao je jučer u intervjuu za „Dnevni avaz“ da je za tri mjeseca, otkako se nalazi na čelu ove policijske agencije, urađeno dosta posla, ali da ozbiljnije rezultate tek treba očekivati. Posebno se osvrnuo na temu teroriz-

□ *Jeste li napravili presjek stanja u SIPA-i, imate li kapacitete za djelovanje u skladu sa zakonom?*

- Za kratko vrijeme uradilo se dosta posla. To sam htio reći. Tvrdim da smo u punom pogonu, jer radimo dobro, ali kadrovski još nismo kompletni. Mnogo je kolega na značajnim pozicijama otišlo u penziju. Tu treba završiti s tim procesom. Na-

Istraga o Rajlovcu

□ *Je li konačno završena istraga o terorističkom napadu u Rajlovcu? Zna li se šta se zaista desilo, šta je konačno istraga pokazala ko sve stoji iza napada?*

- U Rajlovcu se desilo to

da su dva vojnika ubijena i da je počinitelj izvršio samoubistvo. Mi još nismo zatvorili tu knjigu s obzirom na to da pokušavamo, ako je uopće bilo, doći do finansijera i podstrekača. No, istraga je u toku.



Stanić: Radimo svoj posao

ma, gdje, kako kaže, određene aktivnosti još uvijek traju.

U punom pogonu

- Mnogo je toga za ova tri mjeseca urađeno na temu terorizma i na tome se uveliko radi. Također, dosta aktivnosti usmjereno je na osumnjičene za ratni zločin. Ima određenih stvari koje ćemo uskoro i finalizirati, ali moram reći da smo u punom pogonu - kaže Stanić.

dam se da nećemo više trošiti energiju na sitnice, kao što je bio slučaj Novog Grada.

□ *Ima li smo krizu nakon hapšenja osumnjičenih za ratne zločine i pretresa stanice u Bosanskom Novom, nakon čega je bio prekid saradnje, ali i potpisivanje sporazuma. Kako danas saradujete s entitetskom policijom u RS?*

- Tačno je da je sporazum potpisan i to je, što se **SIPA-e** tiče, završena stvar. Nije to

ništa spektakularno urađeno, ni previše ni premalo, niti se oduzima nešto nekim agencijama. Sporazum nam je dao mogućnost da nastavimo saradnju i, evo, sada radimo, tu više nebi trebalo biti problema.

□ *Govori se o snažnijoj borbi protiv organiziranog kriminala i korupcije. Koje su najveće istrage koje vodi Agencija u ovom trenutku?*

- O tome ja ne bih govorio. Mi radimo svoj posao. U toku je finalizacija nečega što se čeka

već dugo i nadam se da ćemo u skorije vrijeme s Tužilaštvom BiH završiti i prezentirati javnosti o čemu se radi.

Niske plaće

□ *Kako gledate na saradnju sa bh. pravosuđem, prije svega s Tužilaštvom BiH. Ranije je na relaciji SIPA - Tužilaštvo bilo određenih trzavica?*

- Što se tiče mene, za sada je saradnja na dobrom nivou i svakako postoji prostor za napredak. Nema problema, nadam se da će tako i ostati.

□ *Dugo ste godina bili na rukovodećim mjestima u policijskim strukturama RS. Kako gledate na otkriće da su pljačku vozila s novcem izvršili pripadnici Specijalne jedinice RS?*

- Time je bačena ljaga na ugled svih časnih policajaca i ljudi koji za još niske plaće rizikuju svoje živote. Riječ je o jednoj od najelitnijih jedinica. I onda to sve uništi nekoliko neodgovornih razbojnika. No, ovo nam svima u BiH treba biti na umu za ubuduće. Kada su u pitanju policijske strukture, moramo kvalitetnije i dublje provjeravati koga primamo, inače ćemo imati problema u budućnosti.